



Broj: 07-40-3-1138 /20
Maglaj, 18.03.2020.godine

U skladu sa članom 108. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, broj:39/03, 22/06 i 43/10), Odluke Vlade Federacije Bosne i Hercegovine o proglašenju nesreće uzrokovane pojavom coronavirusa (COVID 19) na području Federacije BiH, broj: 408/2020 od 16.03.2020.godine i Naredbi Federalnog štaba civilne zaštite broj:12-40-6-148-2/2020; 12-40-6-148-8/2020; 12-40-6-148-9/2020; 12-40-6-148-10/2020; 12-40-6-148-11/2020; 12-40-6-148-12/2020; 12-40-6-148-13/2020; 12-40-6-148-16/2020; od 17.03.2020.godine, Općinski štab civilne zaštite donosi

N A R E D B U

1. Naređuje se privremeno obustavljanje pružanja usluga u ugostiteljskim objektima svih kategorija (restorana, pizzerija, slastičarni, ćevapdžinica, čajdžinica, fast food i sl.) na području općine Maglaj.
2. Iz tačke 1. ove Naredbe izuzima se usluga proizvodnje i dostave hrane, rad javnih kuhinja kao i proizvodnja i posluživanje hrane za prijavljene goste hotela uz poštivanje higijenskih i epidemioloških mjera zaštite.
3. Zabranjuje se konzumacija hrane unutar javne kuhinje, a kod podjele hrane voditi računa o socijalnom razmaku korisnika od najmanje 1,5 m.
4. Pravnim i fizičkim licima iz tačke 2. (restorana, pizzerija, slastičarni, ćevapdžinica, čajdžinica, fast food i sl.) je dozvoljena priprema i distribucija hrane isključivo dostavom na adresu kupca putem uposlene osobe. Narudžbe su dozvoljene samo telefonski.
5. Rad pekara je dozvoljen uz pridržavanje svih potrebnih sanitarno-higijenskih mjera kako za uposlenika, tako i za objekat uz zabranu konzumacije hrane unutar objekta.
6. Zabranjuje se konzumacija hrane i pića unutar objekta i na platou benzinskih pumpi.
7. Naređuje se trgovinama osnovnim prehrambenim artiklima - supermarketi, tržnice, pekare, apoteke, benzinske pumpe na području općine Maglaj da svoj rad organizuju po do sada prijavljenom radnom vremenu, uz osiguranje protoka kupaca i klijenata na način da se omogućí potrebna socijalna distanca od najmanje 1,5 m između osoba uz poštivanje ostalih higijensko-epidemioloških mjera.

8. Naređuje se svim pravnim i fizičkim licima na području općine Maglaj da pojačaju provođenje općih i posebnih mjera zaštite od zaraznih bolesti, shodno Zakonu o zaštiti stanovništva od zaraznih bolesti Federacije BiH („Službene novine Federacije BiH“ 29/05), sa posebnim akcentom na pojačanu vanrednu dezinfekciju poslovnih površina i sredstava javnog prijevoza (autobusi, kombi vozila, taksivozila i sanitetska vozila).
9. Naredba vezana za međunarodni saobraćaj zasebno se dostavlja pravnim i fizičkim licima koja pružaju ili koriste ove usluge i ista se može pronaći na zvaničnoj stranici Općine Maglaj.
10. Naređuje se otkazivanje održavanja svih javnih skupova na području općine Maglaj u skladu sa propisima o javnim okupljanjima.
11. Naređuje se privremena obustava pružanja usluga za: kina, pozorišta, dvorane, umjetničke galerije, sportsko- rekreacijske centre i slično na području općine Maglaj.
12. Naređuje se privremena obustava pružanja usluga u frizerskim i kozmetičkim salonima i igraonicama na području općine Maglaj.
13. Preporučuje se osobama starije životne dobi (preko 65 godina), hroničnim bolesnicima, oboljelim od malignih i drugih oboljenja koja utiču na imunitet, da maksimalno smanje kretanje i kontakt s drugim osobama, jer predstavljaju najrizičniju skupinu prema statističkim podacima s najvećom stopom smrtnosti od oboljenja Corona virusom (COVID-19).
14. Ponovo pozivamo sve građane da iskažu solidarnost prema starim, bolesnim i iznemoglim licima u nabavci lijekova i neophodnih namirnica. Osobe koje nemaju ovu vrstu pomoći mogu se obratiti za pomoć na brojeve telefona: Crveni križ 032 603 302 i JU Centar za socijalni rad 032 603 527 u periodu od 08 do 14 sati.

Ova Naredba stupa na snagu odmah.

Sve Naredbe i preporuke koje su donesene Naredbom broj: 07-40-3-1124/20 od 17.03.2020.godine ostaju na snazi, izuzev onih koje su izmjenjene ili ukinute ovom Naredbom.

DOSTAVLJENO:

1. Načelnik općine,
2. Sredstvima javnog informisanja,
3. Arhiva.



KOMANDANT OPĆINSKOG ŠTABA CZ

Mirsad Mahmutagić